



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՇԻՐԱԿԻ ՄԱՐԶԻ ՄԱՐԱԼԻԿԻ ՔԱՂԱՔԱՅԻՆ  
ՀԱՄԱՅՆՔԻ ԱՎԱԳԱՆՈՒ  
**Ո Ր Ո Շ ՈՒ Մ 47-Ն**

31 օգոստոսի 2012 թվական

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ՄԱՐԱԼԻԿԻ ՔԱՂԱՔԱՅԻՆ  
ՀԱՄԱՅՆՔՈՒՄ 2013 ԹՎԱԿԱՆԻ ՀԱՄԱՐ ՏԵՂԱԿԱՆ ՏՈՒՐՔԵՐԻ ԵՎ ՎՃԱՐՆԵՐԻ  
ԴՐՈՒՅՔԱԶՍՓԵՐԸ ՍԱՀՄԱՆԵԼՈՒ ՄԱՍԻՆ

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 16 հոդվածի 18 կետի «Տեղական տուրքերի և վճարների մասին» Հայաստանի Հանրապետության օրենքի 7, 8, 9, 10, 11 հոդվածների դրույթներով

Հայաստանի Հանրապետության Շիրակի մարզի Մարալիկի քաղաքային  
համայնքի ավագանին որոշում է.

Հայաստանի Հանրապետության Շիրակի մարզի Մարալիկի քաղաքային համայնքի տարածքում սահմանել հետևյալ տեղական տուրքերի և վճարների դրույքաչափերը՝ համաձայն հավելվածի:

Կ. ԱՌԱՔԵԼՅԱՆ - ԿՈՂՄ

Ս. ԳԵՎՈՐԳՅԱՆ - ԿՈՂՄ

Վ. ՄԱՀԱԿՅԱՆ- ԿՈՂՄ

Կ. ՀՈՎՀԱՆՆԻՍՅԱՆ - ԿՈՂՄ

Խ.ԲՈՒԼՈՅԱՆ - ԿՈՂՄ

Ա. ՀՈՎՀԱՆՆԻՍՅԱՆ - ԿՈՂՄ

Ա. ԿԻՐԱԿՈՍՅԱՆ - ԿՈՂՄ

ՄԱՐԱԼԻԿԻ ՔԱՂԱՔԱՊԵՏ՝

Ա. ԳԵՎՈՐԳՅԱՆ

31 օգոստոսի 2012 թվական

ՀԱՎԵԼՎԱԾ  
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՇԻՐԱԿԻ ՄԱՐԶԻ ՄԱՐԱԼԻԿԻ ՔԱՂԱՔԱՅԻՆ ՀԱՄԱՅՆՔԻ  
ԱՎԱԳԱՆՈՒ 2012 ԹՎԱԿԱՆԻ ՕԳՈՍՏՈՍԻ 31-Ի ԹԻՎ 47-Ն ՈՐՈՇՄԱՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ՄԱՐԱԼԻԿԻ ՔԱՂԱՔԱՅԻՆ ՀԱՄԱՅՆՔՈՒՄ 2013 ԹՎԱԿԱՆԻ  
ՀԱՄԱՐ ՏԵՂԱԿԱՆ ՏՈՒՐՔԵՐԻ ԵՎ ՎՃԱՐՆԵՐԻ ԴՐՈՒՅՔԱԶԱՓԵՐԻ ՍԱՀՄԱՆՄԱՆ ՄԱՍԻՆ

1. Հայաստանի Հանրապետության օրենսդրությամբ սահմանված կարգով հաստատված ճարտարապետական նախագծին համապատասխան նոր շենքերի, շինությունների (ներառյալ ոչ հիմնական) շինարարության (տեղադրման) թույլտվության համար տեղական տուրքը սահմանվում է
  - 1) Հիմնական օբյեկտների համար  
մինչև 300 քառակուսի մետր ընդհանուր մակերես ունեցող անհատական բնակելի, այդ թվում այգեգործական (ամառանոցային) տների, ինչպես նաև մինչև 200 քառակուսի մետր ընդհանուր մակերես ունեցող հասարակական և արտադրական նշանակության օբյեկտների համար 15000 (տասնհինգ հազար) դրամ
  - 2) սույն կետի «1-ին» ենթակետով չնախատեսված օբյեկտների համար`
    - ա. 201-ից մինչև 500 քառակուսի մետր ընդհանուր մակերես ունեցող օբյեկտների համար` 30000 (երեսուն հազար) դրամ,
    - բ. 501-ից մինչև 1000 քառակուսի մետր ընդհանուր մակերես ունեցող օբյեկտների համար` 50000 (հիսուն հազար) դրամ,
    - գ. 1001 և ավելի քառակուսի մետր ընդհանուր մակերես ունեցող օբյեկտների համար` 70000 (յոթանասուն հազար) դրամ:
  - 3) Ոչ հիմնական օբյեկտների համար
    - ա. մինչև 20 քառակուսի մետր ընդհանուր մակերես ունեցող օբյեկտների համար 3000 (երեք հազար) դրամ,
    - բ. 20 և ավելի քառակուսի մետր ընդհանուր մակերես ունեցող օբյեկտների համար 5000 (հինգ հազար) դրամ:
2. Համայնքի վարչական տարածքում շենքերի, շինությունների, քաղաքաշինական այլ օբյեկտների վերակառուցման, ուժեղացման, վերականգնման, արդիականացման աշխատանքների (բացառությամբ օրենսդրությամբ սահմանված շինարարության թույլտվություն չպարունակող շենքերի) համար, եթե սահմանված կարգով հաստատված ճարտարապետաշինարարական նախագծով`
  - 1) չի նախատեսվում կցակառույցների, վերնակառույցների, շենքերի գաբարիտային չափերն ընդլայնող այլ կառույցների (այդ թվում ստորգետնյա) հետևանքով օբյեկտի ընդհանուր մակերեսի ավելացում կամ շենքերի գործառնական նշանակության փոփոխություն 3000 (երեք հազար) դրամ,
  - 2) բացի օբյեկտի վերակառուցման, ուժեղացման, վերանորոգման կամ արդիականացման աշխատանքներից, նախատեսվում է նաև կցակառույցների, վերնակառույցների, շենքի գաբարիտային չափերն ընդլայնող այլ կառույցների (այդ թվում ստորգետնյա) հետևանքով օբյեկտների ընդհանուր մակերեսի ավելացում կամ շենքերի

գործառնական նշանակության փոփոխություն, ապա բացի սույն կետի «1-ին» ենթակետով սահմանված դրույքաչափի, կիրառվում են նաև նոր շինարարության համար սույն որոշման 1-ին կետով սահմանված նորմերը՝ օբյեկտի ընդհանուր մակերեսի ավելացման կամ շենքերի գործառնական նշանակության փոփոխության մասով.

3) նախատեսվում է միայն կցակառույցների, վերնակառույցների, շենքի գաբարիտային չափերն ընդլայնող այլ կառույցների (այդ թվում՝ ստորգետնյա) շինարարության կամ շենքերի գործառնական նշանակության փոփոխություն, ապա սույն որոշման իմաստով այն համարվում է նոր շինարարություն, որի նկատմամբ կիրառվում են նոր շինարարության համար սույն որոշման 1-ին կետով սահմանված նորմերը:

3. Համայնքի վարչական տարածքում շենքերի, շինությունների, քաղաքաշինական այլ օբյեկտների քանդման թույլտվության համար տեղական տուրքը սահմանվում է 5000 (հինգ հազար) դրամ:

4. Համայնքի տարածքում տեղական տուրք սահմանվում է

- 1) ոգելից խմիչքի վաճառքի թույլտվության համար՝ հիմնական և ոչ հիմնական շինությունների ներսում վաճառքի կազմակերպման դեպքում՝ յուրաքանչյուր եռամսյակի համար՝ 12500 (տասներկու հազար հինգ հարյուր ) դրամ,
- 2) ծխախոտի արտադրանքի վաճառքի թույլտվության համար՝ հիմնական և ոչ հիմնական շինությունների ներսում վաճառքի կազմակերպման դեպքում՝ յուրաքանչյուր եռամսյակի համար՝ 12500 (տասներկու հազար հինգ հարյուր ) դրամ

5. Համայնքի տարածքում

1) բացօթյա վաճառք կազմակերպելու համար տեղական տուրք սահմանվում է յուրաքանչյուր օրվա համար 350 (երեք հարյուր հիսուն ) դրամ

2) հեղուկ վառելիքի, տեխնիկական հեղուկների, հեղուկացված գազերի մանրածախ առևտրի կետերում հեղուկ վառելիքի, տեխնիկական հեղուկների, հեղուկացված գազերի վաճառքի թույլտվության համար տեղական տուրքը ընթացիկ տարվա համար սահմանվում է 150000 (մեկ հարյուր հիսուն հազար) դրամ,

6. Համայնքի տարածքում առևտրի, հանրային սննդի, զվարճալիքի, շահումով խաղերի և վիճակախաղերի կազմակերպման օբյեկտները, բաղնիքները (սաունաները), խաղատները ժամը 24.00-ից հետո աշխատելու թույլտվության համար տեղական տուրքը ընթացիկ տարվա համար սահմանվում է՝

- 1) առևտրի օբյեկտների համար 25000 (քսանհինգ հազար ) դրամ,
- 2) հանրային սննդի և զվարճալիքների օբյեկտների համար 50000 (հիսուն հազար )դրամ,
- 3) բաղնիքների (սաունաների) համար 200000 (երկու հարյուր հազար ) դրամ,
- 4) խաղատների կազմակերպման համար 500000 (հինգ հարյուր հազար )դրամ,
- 5) շահումով խաղերի կազմակերպման համար 250000 (երկու հարյուր հիսուն հազար )դրամ,
- 6) վիճակախաղերի կազմակերպման համար 100000 (մեկ հարյուր հազար )դրամ:

7. Համայնքի տարածքում ընտանի կենդանիներ պահելու թույլտվության համար՝ տեղական տուրքը ընթացիկ տարվա համար սահմանվում է 0 (զրո) դրամ:

8. Համայնքի սեփականություն հանդիսացող տարածքներում կազմակերպված վճարովի ավտոկայանատեղերում ավտոտրանսպորտային միջոցը կամ դրա կցորդը կայանելու համար սահմանվում է տուրք հետևյալ դրույքաչափերով՝

- 1) յուրաքանչյուր մեկ ժամվա համար 200 (երկու հարյուր )դրամ,
- 2) յուրաքանչյուր մեկ օրվա համար 1500 (մեկ հազար հինգ հարյուր) դրամ,
- 3) մեկ շաբաթվա համար 4000 (չորս հազար )դրամ.
- 4) մեկ ամսվա համար 20000 (քսան հազար) դրամ.
- 5) մեկ տարվա համար 80000 (ութսուն հազար) դրամ.

9. Համայնքի տարածքում թանկարժեք մետաղներից պատրաստված իրերի մանրածախ առուվաճառքի թույլտվության համար տեղական տուրքը յուրաքանչյուր տարվա համար սահմանվում է 50000 (հիսուն հազար) դրամ:

10. Համայնքի տարածքում յուրաքանչյուր անսվա համար արտաքին գովազդ տեղադրելու թույլտվության համար մեկ քառակուսի մետրի տեղական տուրքը սահմանվում է

- 1) ալկոհոլային սպիրտի պարունակությունը մինչև 20 ծավալային տոկոս արտադրանք գովազդող արտաքին գովազդի համար 2000 (երկու հազար) դրամ,
- 2) թունդ ալկոհոլային (սպիրտի պարունակությունը 20 և ավելի ծավալային տոկոս) արտադրանք գովազդող արտաքին գովազդի համար 3500 (երեք հազար հինգ հարյուր) դրամ,
- 3) այլ արտաքին գովազդի համար 1000 (մեկ հազար) դրամ,
- 4) համայնքի տարածքում տեղադրված դատարկ գովազդային վահանակների համար 700 (յոթ հարյուր) դրամ:

11. Համայնքի արխիվից փաստաթղթերի պատճեններ և քաղվածքների կրկնօրինակներ տրամադրելու համար տեղական տուրքը ընթացիկ տարվա համար սահմանվում է 10000 (տաս հազար) դրամ:

12. Համայնքի տարածքում մարդատար տաքսու ծառայություն իրականացնելու թույլտվության համար տեղական տուրք ընթացիկ տարվա համար սահմանվում է 10000 (տաս հազար) դրամ:

Տեղական վճարների դրույքաչափերը սահմանվում է

1) Համայնքի տարածքում շինարարության կամ շինարարության արտաքին տեսքը փոփոխող վերակառուցման աշխատանքներ կատարելու հետ կապված տեխնիկա-տնտեսական պայմաններ մշակելու և հաստատելու, շինարարության ավարտը փաստագրելու համար տեղական ինքնակառավարման մարմնի մատուցած ծառայությունների դիմաց փոխհատուցման վճար 10000 (տաս հազար) դրամ,

2) տեղական ինքնակառավարման մարմինների տնօրինության և օգտագործման տակ գտնվող հողերը հատկացնելու, հետ վերցնելու և վարձակալությամբ տրամադրելու դեպքում անհրաժեշտ չափագրման և այլ աշխատանքների համար տեղական ինքնակառավարման մարմիններին մատուցած ծառայությունների դիմաց փոխհատուցման վճար 3000 (երեք հազար) դրամ:

3) տեղական ինքնակառավարման մարմինների կողմից մրցույթներ և աճուրդներ կազմակերպելու հետ կապված ծախսերի փոխհատուցման համար մասնակիցների վճար 5000 (հինգ հազար) դրամ:

4) աղբահանությունը կազմակերպելու համար ըստ հաշվառված անձանց քանակի համայնքում անձնագրային հաշվառման կանոններով ըստ հասցեի հաշվառում ունեցող և (կամ) բնակվող յուրաքանչյուր բնակչի համար սահմանվում է աղբահանության վճար ամսական 100 (մեկ հարյուր) դրամ,

5) ըստ ծավալի մեկ խորանարդ մետր աղբի հավաքման և փոխադրման համար ամսական 1000 (մեկ հազար) դրամ աղբահանության վճար կամ ըստ զանգվածի մեկ տոննա աղբի համար ամսական 2000 (երկու հազար) դրամ աղբահանության վճար, սահմանվում է առևտրի օբյեկտների հիմնական շինությունների համար:

6) ըստ ծավալի մեկ խորանարդ մետր աղբի հավաքման և փոխադրման համար ամսական 500 (հինգ հարյուր) դրամ աղբահանության վճար, կամ ըստ զանգվածի մեկ տոննա աղբի համար 1000 (մեկ հազար) դրամ աղբահանության վճար սահմանվում է առևտրի օբյեկտների ոչ հիմնական շինությունների համար:

7) առանձին տարածք ունեցող կազմակերպությունների համար սահմանվում է ամսական 4000 (չորս հազար) դրամ աղբահանության վճար:

8) համայնքային սեփականություն հանդիսացող շենքերում վարձակալությամբ տարածք զբաղեցնող կազմակերպությունների համար սահմանվում է ամսական 2000 (երկու հազար) դրամ աղբահանության վճար:

